



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De caeremonijs, qu[a]e priusquam Baptismus ministratur, adhibentur.

urn:nbn:de:hbz:466:1-11399

De cæremonijs, quæ priusquam Baptismus ministratur, adhibentur.

IN primis aqua paranda est, qua ad Baptismum uti oportet.

Consecratur enim Baptismi fons, additio mysticæ vñctiōnis oleo: neque id omni tempore, sed Sabbato Paschæ Resurrectionis Domini, & Pentecostes.

Hæc enim sacra duo tempora, mysteriorum plena, Baptismo celebrando solennia legitimaq; esse docent Ecclesiæ Patres, & in primis Leo Pontifex sanctissimus.

Epist. 4. ad Episcop. Siciliae. cap. 3.

Nam quamvis, (inquit is,) totum, quid in Christo Domino, & virtutis diuinæ est, & infirmitatis humanæ, ad non fræ reparationis tendat effectum, propriè tamen Paschali tempore, nempè in morte crucifixi, & in resurrectione ex mortuis, potentia baptismatis nouam creaturam condit ex veteri, vt in renascentibus, & mors Christi operetur, & vita, dicente Beato Apostolo Paulo;

Ad Rom. 6. An ignoratis, quia quicunque baptizati sumus in Christo Iesu, in morte ipsius baptizati sumus? Conseputi enim sumus cum illo per Baptismum in mortem, vt quomodo surrexit Christus à mortuis per gloriam patris, ita & nos in novitate vitæ ambulemus. Si enim complantati facti sumus similitudini mortis eius, simul, & resurrectionis erimus, &c. ex quibus apparet, Paschale tempus electum ad filios hominum regenerandos, & in filios Dei adoptandos.

Ead. epist. cap. 4.

Hūic paschali obseruantib; additur etiā Pentecostes ex aduentu Spiritus sancti consecrata solennitas, quæ de paschalis facti pender articulo.

Eo autem die, quo omnem credentium numerum promisus Spiritus sancti replevit aduentus, trium milium populum sua predicatione conuersum lauacro baptismatis consecravit.

A qua autem adhibetur, ad significantiam animæ ablutionem, quam Baptismus efficit.

Ideoq; ab Apostolo [lauacrum] appellatur: oleum autem ad ostendēdum gratiam Spiritus sancti, quæ per Baptismum datur.

Deinde ante fores ecclesiæ, qui Baptismo initandi sunt, offeruntur, propterea quod indigni sint, qui more fidelium, domum Dei, antequam Christo Domino se addixerint, ingrediantur.

Tum verò Parochus ab eis exquirit, qui illos offerat.

Quo cognito, ter conceptis verbis, eum qui baptizandus est, interrogat. Abrenuncias, &c.

Et eius nomine patrinus ad singulas interrogations responderet.

Abrenuncio.

Et quoniam huius sponsionis chyrophum sancte conceptum magnam vim habet in cœlo, tum Parochus illos admoneret, & contestatur dicens: [Memor esto sermonis tui, &c.] vt ex his verbis intelligent, quām diligenter hæc sponso præstanta sit: sciantq; hanc professionem christianorum esse propriā, vt [non sit de hoc mundo,] sed eis habeat ad Dominum, qui in cœlis est, [existantes beatam spem, & aduentum gloriæ magni Dei.

Ad hujus, aliorumq; mysteriorum explicationem adhibebit doctrinam patris nostri sanctissimi Ambrosij.

Et verò cum huius ipsius mysterij, harumque sponsonum ratio diligentissime explicata sit canone Concilij Parisiensis, non alium est illius verba ex-

Concil. N.
risen.: 1.
1. cap. 9.

scribere: Constat igitur vnum quemque fidelem Deo in baptisinate duarum pactionum nexibus se obligare: altera, qua abrenunciare Diabolo, & omnibus operibus eius, & omnibus pompiis eius: altera verò quæ se in patrem, & filium, & Spiritum sanctum credere proficitur.

Vnde etiam sub eiusdem sanctæ Trinitatis inuocatione baptismatis gratiam consequitur.

Cum ergo post huiuscmodi abrenunciationem quibuslibet illecebris vitiorum illectus, ad ea quibus renunciauit, redit; nec non, & post tantæ fidei perceptionem in apostasiam, aut infidelitatem, aut hereticæ prauitatem, aut fraternali schismatis prolabitur: proculdubio utrusque pactionis transgressor efficitur; quarum altera, quia Baptismi iteratione nequit, pœnitentiæ lamen-

tis,

tis, eleemosinarum largitionibus, ceterisque bonorum operum exhibitionibus dilui potest.

Altera vero, que predictae contagionis lepra commaculata fuerit, nisi hac primum per Christi caruerit gratiam, & ad unitatem Ecclesiae redierit, mundari, & pristinæ fidei colorem, sanitatisq; vigorem recuperare non poterit.

Gen. 3.

Quia ergo flammeus ille gladius, qui propter peccatum primi hominis ianuam paradisi obice mortalibus immobili oppilauerat, in sacro sancto baptismatis fonte extinguitur, & eadem ianua creditibus aperitur: omnibus fidelibus studendum est, ut passionis, & sponsionis, quam cum Deo in baptimate fecerunt, semper memores existant; caueantq; ne quibuslibet vitorum cordibus se maculantes, non solum eundem sibi reaccendant ignem, verum etiam immundum spiritum a se tempore baptismatis expulsum, cum septenario dæmonum numero sibi addito, ad se quoquo modo redire faciant: hantq; illis, ut Dominus ait, nouissima peiora prioribus: & impleatur in eis quod beatus Petrus Apostolus ait: Melius enim erat illis non cognoscere viam iustitiae, quam post agnitionem retrorsum conuersti ab eo, quod traditum est illis, sancto mandato, apteturq; eis illud, quod idem ait: canis reuersus ad vomitum suum, & suslota in volutabro luti.

Potesta salvia oris sui Parochus tangit infantis aures, & narres, prolatis Christi Domini verbis, quibus aures, & linguam surdi, & muri tangendo vsus est: [Epheta hoc est adaperire: celebatur enim mysterium apertoris aurium: ut aperiantur narres ad accipiendo odorem a dorem notitiae Dei, & pietatis æternæ; & ad discernendum bonum odorem a malo, sanam docet inam à corrupta: aures autem ad audiendum mandata Dei; ut doctrina, que de ore altissimi fluixit, per eius aures intret, & ei suauiter oleat.

Deinde adhibetur exsuffratio, ut hoc mysterio Spiritui sancto cedat fugientes malignus spiritus: id quod fit non sine Christi exemplo, qui insufflavit in discipulos suos, ut Spiritum sanctum eis daret.

Ioann. 20.

Tum sequitur exorcismus ad expellendum Diabolum, eiusque vires frangendas, & debilitandas sacris illis, & religiosis verbis.

Obsignantur preterea oleo sacro, figura crucis, pectus, & scapulae: ut intelligamus, eos qui Baptismo initiantur, [quasi Christi athletas,] ait sanctus Ambrosius, [luctamen huius saeculi luctatores. solent enim luctantes inungi.] Deinde, ut sciamus Baptismi gratiam non nostris meritis, sed Christi beneficio, & gratuita misericordia donari, quæ oleo significatur. Preterea, quia oleum est medicamenti species, quandoquidem Samaritanus infudit in vulnera oleum, & vinum: ideo hac valetio ne demonstratur, intima animæ nostræ vulnera, & morbos hac medicina curari; somitemque ipsum, quamvis non omnino extinguitur, at certè debilitari, virileque, & robur spirituale nobis addi, quo Satanæ, carnisque tentationum impetus depellamus. Pectus preterea vngitur, ut intelligamus, mentem animumq; diuina virtute corroborari. Scapulae vero, quia dantur homini vires ad iugum Christi Domini ferendum.

Luc. 20.

Inungitur ante, & retro, ut vindique muratur, & confirmetur, ad opera bona prestanta corde, & corpore, voluntate, & opere.

Nomine deinde, quod parentes imponi volunt, appellatur, signoq; sancte Crucis obsignatur, quod ostendit, eum qui Baptismo initiatur, Christi Domini seruituti addici, cum nominis impositio signum sit dominij. Quam ob causam cum vellet Deus docere Adam, eum principem, & dominum esse omnium animantium, ad eum illa adduxit, quibus nomina imponeret.

Gen. 2.

Sal item in illius os qui ad Baptismum adducendus est, inseritur, quo significatur, eum fidei doctrina, & gratie dono consecutum esse, ut a peccatorum putredine liberetur, saporemq; bonorum operum percipiat, & diuinæ sapientiae pabulo delectetur.

Ipsa peractis, infans in Ecclesiam introducitur: ubi primum apud sacram fontem humi collocatur. Qui ritus cum

O 2 suppli-

Supplicem eius petitionem, qui se baptizari postulat, ostendit (cum prostrati humi olim baptismum peterent) tum significatio est sancte humilitatis, quā Christianus profiteri debet.

Tum sacerdos vñā cum eo, qui baptizandus est, aut si infans, cum compatre, commatrevē dicit symbolum Apostolorum, & orationem Dominicām. Quæ res indicat fidei professionem, quam christianum publicè præstare oportet.

De ceremonijs, quæ cum ad Baptismi fontem ventum est, adhibentur.

Matt. vii.

Ioan. viii.

SE D. cum iam Baptismum administrari oportet, querit Parochus ab eo, qui baptizandus est, num baptizari velit: quo quidem per se, vel eius nomine patrino annuente, statim de fide orthodoxa ab eo querit trina interrogatio, ut tres sunt in diuinitate personæ. Id verò fit, ut sciamus, primū sine recta fide Baptismum nihil ad æternam salutem prodesse: Nam [qui crediderit, & baptizatus fuerit, hic saluus erit: qui verò non crediderit, condemnabitur.] deinde, hoc Baptismi sacramentum esse, diciq[ue] sacramentum fidei, ut per illud infantibus habitus fidei infundatur; & adulorum fides gratia Dei illustretur, formetur, & perficiatur. Trina item interrogatio, trinaque responsio, quæ sit verbo, [Credo, (adhibetur:) ut multiplicem lapsum, (inquit sanctus Ambrosius,) superioris ætatis, absoluat trina confessio. Denique, ut vobis, (inquit idem,) afferatur exemplum, sanctus Apostolus Petrus posteaquam in passione Domini lapsum videatur infirmitate conditionis humanæ, qui ante negauerat, postea ut illum lapsum aboleret, & solueret, tertio interrogatus à Christo, si Christū amaret, tunc ille dicit: Tu nosti Domine, quia amo te. tertio dixit, ut tertio absolueretur. Si eut ergo peccatum dimittit pater, sic dimittit filius, sic & Spiritus sanctus. Interrogatus ter mergitur, in memoriam mortis, & resurrectionis Christi Domini: utque intelligat, se cum Christo consepultum resurrectum esse. Trina

autem mersione, significatur triduana Domini sepultura.

De ceremonijs, quæ peracto Baptismo seruantur.

PO S T. Baptismum dicitur litania genibus flexis; vt intelligamus, Baptismi sacramento eum cōmunioni sanctorum adscriptum esse, quorum nomina inuocantur.

Inungitur præterea à Parocho in vertice sacro chrismate, vt intelligat se ab eo die Christo capiti tanquam membrum coniunctum esse, atq[ue] eius corpori insitum, & ea re christianum à Christo, Christum verò à chrismate appellari. Induitur postea baptizatus ueste albâ, qua uestis, (inquit sanctus Ambrosius) est indicium, quod baptizatus exuerit inuolucrum peccatorum, & induerit innocentia casta velamina.

Indicat item resurrectionis gloriæ, ad quam per Baptismum renascimur.

Libertatem christianam, quam hoc sacramento sumus aſſecuti, erepti de servitute Diaboli.

Innocentiam, atq[ue] integratatem, quam in omni vita baptizatus seruare debet. Letitiam internam, & gaudiū spiritus. Sicut enim uestis pulla est signum tristitia, ita candida gaudium indicat.

Traditur demum baptizato in manu cereus ardens. quo cereo significantur tres theologicæ virtutes, quæ ipſi hoc sacramento infunduntur; fides in lumine, charitas in calore, spes in cerei recta altitudine: quæ sursum ascendit; vt spes nostra ad celos vsq[ue] excitatur, atq[ue] erigitur. Id præterea, quod Baptismo nobis fit communicatio lucis, & depulſio tenebrarum: ob eamq[ue] causam Baptismus [sacramētum illuminationis,] & baptizati, ij quidem [illuminati] à patribus dicuntur.

Ex antiquissima catholicæ Ecclesiæ consuetudine, cum præter ministrum, qui Baptismum conficit, alij etiam ad sacram ablutionem adhibeantur, qui patrini, aut compatres vocantur: Parochus de ijs, ut infra animaduertet, ac seruabit.

Non adhiberi finet ex ijs plures, quam

vnum